



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2018. GODINU HRVATSKE STRANKA PRAVA BOSNE I HERCEGOVINE

Broj: 03-07-6-355/19
Sarajevo, 03.06.2020. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	6
5.1 NALAZI	6
5.2 PREPORUKE	10

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske stranke prava Bosne i Hercegovine za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka i odredbama poglavlja 15 Izbornog zakona Bosne i Hercegovine, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2018. godinu, utvrđeno je da je Hrvatska stranka prava Bosne i Hercegovine prekršila odredbe člana 4. stav (1), člana 5. stav (4), člana 11. stav (1) i člana 12. Zakona o finansiranju političkih stranaka i člana 15.1 stav (1) Izbornog zakona Bosne i Hercegovine.

Na osnovu našeg pregleda, odnosno kontrole finansijskog izvještaja, osim gornjih napomena, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka, niti na finansiranje troškova izborne kampanje suprotno odredbama člana 15.10 Izbornog zakona Bosne i Hercegovine.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske stranke prava Bosne i Hercegovine za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Hrvatska stranka prava Bosne i Hercegovine finansirala se iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	96.842,11	95,49
8.	Prihodi od propagande (3-g)	0,00	0,00
I	Ukupni prihodi (1-8)	96.842,11	95,49
II	Ostali prihodi i drugo	4.577,09	4,51
	Izvori finansiranja (I+II)	101.419,20	100,00

U godišnjem finansijskom izvještaju stranka je iskazala rashode u ukupnom iznosu od 88.566,22 KM.

2. PREDSTAVLJANJE POLITIČKE STRANKE

Naziv političke stranke: Hrvatska stranka prava Bosne i Hercegovine. Skraćeni naziv stranke je HSP BiH.

Stranka je registrovana 05.05.2004. godine kod Kantonalnog suda Kantona 10 u Livnu, Rješenjem broj: R-11/04, pod nazivom Hrvatska stranka prava Bosne i Hercegovine. Dana 03.06.2004. godine politička stranka je promijenila naziv u Hrvatsku stranku prava Bosne i Hercegovine – Đapić - dr. Jurišić. Rješenjem broj: R/7-07 od 24.07.2007. godine, stranka je upisana u registar kod Općinskog suda u Mostaru, a potom je uslijedilo nekoliko izmjena naziva stranke, sjedišta i osoba ovlaštenih za njeno predstavljanje i zastupanje. Rješenjem Općinskog suda u Mostaru, broj: R/3-11 od 21.02.2012. godine, upisano je udruživanje političkih stranaka Hrvatski demokršćani i Hrvatsko zajedništvo Herceg-Bosne u Hrvatsku stranku prava Bosne i Hercegovine. Rješenjem Općinskog suda u Mostaru, broj: R/6-16 od 02.06.2016. godine, upisana je promjena osoba ovlaštenih za predstavljanje i zastupanje stranke.

Sjedište stranke je u Mostaru, Kneza Mihajla Viševića Humskog 39¹.

Lice ovlašteno za predstavljanje i zastupanje stranke je Stanko Primorac, predsjednik.

Lice ovlašteno za podnošenje finansijskih izvještaja za 2018. godinu je Stanko Primorac.

Prema podacima iz godišnjeg finansijskog izvještaja za 2018. godinu, Hrvatska stranka prava Bosne i Hercegovine ima sljedeću organizacionu strukturu:

- Središnji ured i
- Ured Brčko Distrikt.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Hrvatske stranke prava Bosne i Hercegovine za 2018. godinu i finansijski izvještaj za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Cilj pregleda i kontrole je da revizor na bazi finansijskih izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona Bosne i Hercegovine. Ukoliko revizor na bazi kontrole finansijskog izvještaja utvrdi određena kršenja zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Hrvatske stranke prava Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskim izvještajima sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, ostale prihode i troškove izborne kampanje.

4. PRETHODNE KONTROLE I REVIZIJE

Služba za reviziju je izvršila pregled, kontrolu i reviziju finansijskih izvještaja Hrvatske stranke prava Bosne i Hercegovine u periodu od 2006. do 2017. godine, nakon kojih su izdati izvještaji o pregledu i reviziji sa mišljenjem revizora, nalazima i preporukama revizije.

Nakon izvršenog pregleda finansijskih izvještaja Hrvatske stranke prava Bosne i Hercegovine za 2017. godinu, izdat je izvještaj o pregledu, sa mišljenjem revizora, nalazima i preporukama stranci: da finansijska sredstva koristi isključivo za ostvarivanje ciljeva utvrđenih svojim programom i statutom, da vodi evidencije o prihodima, bez obzira na koji način ih ostvaruje, da dostavlja dodatnu dokumentaciju koju od nje zatraži Centralna izborna komisija BiH, da u finansijskom izvještaju iskaže koristi ostvarene od aktivnosti subjekata koji su na bilo koji način povezani sa strankom ili su pod njenom kontrolom, da poslovne knjige vodi u skladu sa računovodstvenim propisima, odnosno da vodi pravilne evidencije o svojim prihodima i rashodima i da finansijske izvještaje koje podnosi Centralnoj izornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2018. godinu, utvrđeno je da Hrvatska stranka prava Bosne i Hercegovine nije ispoštovala date preporuke.

¹ Hrvatska stranka prava Bosne i Hercegovine je obavijestila Centralnu izbornu komisiju Bosne i Hercegovine, aktom broj: P-108-09-03-17 od 09.03.2017. godine, da je privremeno sjedište stranke u Ljubuškom, A.Šimića Stube bb.

5. NALAZI I PREPORUKE

5.1 NALAZI

a) Hrvatska stranka prava Bosne i Hercegovine je prekršila odredbe člana 4. stav (1) Zakona o finansiranju političkih stranaka².

Pregledom finansijskog izvještaja i poslovnih knjiga utvrđeno je da sredstva u iznosu od 27.316,70 KM politička stranka nije utrošila u skladu sa programom utroška sredstva, odnosno finansijskim planom prihoda i rashoda za 2018. godinu, koji je donijela 01.02.2018. godine.

Stranka je ostvarila troškove goriva i maziva u iznosu od 10.625,21 KM, a iste nije predvidjela programom utroška.

Troškove reklame i propagande ostvarila je u većem iznosu od planiranih za 4.596,85 KM. Ove troškove je planirala u iznosu od 9.000,00 KM, a ostvarila ih je u iznosu od 13.596,85 KM.

Stranka je ostvarila troškove usluga, među kojima je i registracije putničkog motornog vozila, u iznosu od 4.229,64 KM, koje je u finansijskom izvještaju i poslovnim knjigama iskazala kao ostale rashode, iako iste nije planirala.

Putne troškove, troškove prevoza i hotelski smještaj stranka je planirala u iznosu od 3.000,00 KM, a iste je ostvarila u iznosu od 3.765,00 KM, što je za 765,00 KM više od planiranih troškova.

Politička stranka je ostvarila trošak u iznosu od 3.600,00 KM po osnovu usluga zakupnine poslovnih prostora koje je koristila u prethodnim godinama, a troškove nije evidentirala u momentu njihovog nastanka, niti ih je finansijskim planom predvidjela.

Mimo programa utroška sredstava, politička stranka je platila i novčane kazne u iznosu od 3.500,00 KM.

b) Hrvatska stranka prava Bosne i Hercegovine je prekršila odredbe člana 5. stav (4) Zakona o finansiranju političkih stranaka.³

Politička stranka nije uspostavila evidenciju niti je u finansijskom izvještaju prijavila nenovčanu donaciju koju je ostvarila korištenjem poslovnog prostora bez plaćanja zakupnine.

Uvidom u Akt Općine Kupres broj: 02/2-14-2-659/19 od 20.05.2019. godine utvrđeno je da je stranka bez plaćanja zakupnine koristila prostor u vlasništvu općine, površine 17,53 m².

Politička stranka je korištenjem poslovnog prostora bez plaćanja zakupnine ostvarila nenovčanu donaciju koju je, u skladu sa članom 5. stav (4) Zakona o finansiranju političkih stranaka bila obavezna evidentirati u poslovnim knjigama i prijaviti u finansijskom izvještaju.

c) Politička stranka je prekršila je odredbe član 11. stav (1) i člana 12. Zakona o finansiranju političkih stranaka i odredbe člana 15.1 stav (1) Izbornog zakona Bosne i Hercegovine.

Na osnovu obavljenog pregleda godišnjeg finansijskog izvještaja i poslovnih knjiga, utvrđeno je da Hrvatska stranka prava Bosne i Hercegovine nije pravilno i tačno evidentirala novčane tokove, prihode, rashode i obaveze, nije u finansijskom izvještaju uključila koristi ostvarene od aktivnosti udruženja koje je povezano sa političkom strankom i godišnji finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka - u daljnjem tekstu: Pravilnik, čime je prekršila odredbe člana 11. stav (1) i člana 12. stav (1), (2), (3) i (4) Zakona o finansiranju političkih stranaka.

² U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

³ Političke stranke su dužne da vode evidenciju o prijemu dobrovoljnih priloga, te da izdaju potvrde o prijemu dobrovoljnih priloga.

- (1) Hrvatska stranka prava Bosne i Hercegovine u finansijskom izvještaju nije prijavila kompletnu organizacionu strukturu. Uvidom u poslovne knjige i druge revizijske dokaze, utvrđeno je da je stranka u 2018. godini koristila poslovne prostore u: Ljubuškom, Vitezu, Kupresu i Širokom Brijegu, što ukazuje na činjenicu da je imala organizacione dijelove, koje nije iskazala u obrascu 1-1 (*teritorijalna organizacija političke stranke*) godišnjeg finansijskog izvještaja, čime je prekršila odredbe člana 10. Pravilnika.
- (2) U finansijskom izvještaju stranka nije prijavila dva transakcijska računa, otvorena kod Raiffeisen banke d.d. Sarajevo, račun Središnjeg ureda i račun ureda u Brčko distriktu BiH.
- Po transakcijskom računu Središnjeg ureda stranka je u poslovnim knjigama evidentirala promet: stanje na dan 01.01.2018. u iznosu od 1.329,47 KM, ukupan promet ulaza u iznosu od 53.676,8 KM i ukupan promet izlaza u iznosu od 55.006,27 KM⁴.
 - Po transakcijskom računu ureda u Brčko distriktu BiH stranka u poslovnim knjigama nije evidentirala promet. Iskazala je samo stanje i na početku i na kraju izvještajnog perioda u istom iznosu od 924,86 KM.
- (3) Uvidom u blagajničku dokumentaciju utvrđeno je da je Središnji ured Hrvatske stranke prava Bosne i Hercegovine podizao novac sa transakcijskog računa i vršio polog u blagajnu suprotno principima blagajničkog poslovanja i Uredbi o uslovima i načinu plaćanja gotovim novcem u Federaciji BiH. Iako se u skladu sa finansijskim propisima podizanje gotovine sa transakcijskog računa vrši u visini utvrđenog blagajničkog maksimuma i to u slučaju kada u blagajni nedostaju gotovinska sredstva za tekuće potrebe, stranka je podizala iznose novca enormno visoke za obim njenih gotovinskih plaćanja. Tokom 2018. godine stranka je sa računa podigla gotovinu u ukupnom iznosu od 45.500,00 KM, iako je početni saldo gotovine u blagajni na dan 01.01.2018. godine iznosio 19.542,90 KM. Ukupne isplate gotovine sa blagajne su izvršene u iznosu od 26.122,92 KM, pa je gotovinu u blagajni na dan 31.12.2018. godine stranka evidentirala u iznosu od 38.919,98 KM⁵.
- (4) Politička stranka nije u poslovnim knjigama i finansijskom izvještaju evidentirala nenovčanu donaciju, Općine Kupres koju je ostvarila korištenjem njenog poslovnog prostora bez plaćanja zakupnine, čime je prekršila odredbe člana 13. i 18. Pravilnika.
Stranka nije iskazala ni troškove zakupa pomenutog prostora, čime je prekršila odredbe člana 21. i 22. Pravilnika.
- (5) Kontrolom prihoda koje je stranka ostvarila iz budžeta utvrđeno je da je dio prihoda, u iznosu od 882,00 KM, pogrešno iskazan na obrascu 3-f (*prihodi iz budžeta*), što je suprotno odredbama člana 19. Pravilnika.
Stranka je uplatu sredstva iz budžeta Općine Vitez, odnosno tranšu u iznosu od 282,00 KM iskazala kao prihod iz budžeta Općine Dobretići, a tranšu Općine Novi Travnik, u iznosu od 600,00 KM iskazala je kao prihod iz budžeta Općine Travnik.
- (6) Politička stranka je ukupno ostvarene troškove, u iznosu od 88.566,22 KM, u poslovnim knjigama i finansijskom izvještaju iskazala kao režijsko-administrativne troškove Središnjeg ureda stranke, iako je u skladu sa odredbama iz člana 21. i 22. Pravilnika bila obavezna da izvrši njihovu klasifikaciju i iste iskaže po organizacionim dijelovima stranke. Osim navedenog stranka dio troškova zakupnine iz 2018. godine nije iskazala ni u poslovnim knjigama ni u finansijskom izvještaju, dok je dio troškova koji su nastali u ranijim godinama iskazala u ovoj izvještajnoj godini, odnosno u momentu njihovog plaćanja.

⁴ Račun je blokiran 27.06.2018. godine

⁵ Stanje gotovine u blagajni je izraženo u nepostojećim apoenima novčanica

- Stranka je troškove zakupa poslovnog prostora u Ljubuškom u iznosu od 8.400,00 KM, troškove zakupa u Vitezu u iznosu od 900,00 KM i troškove zakupa u Orašju⁶ u iznosu od 500,00 KM prijavila kao troškove Središnjeg ureda u iznosu od 9.800,00 KM, što je suprotno odredbama člana 7. i člana 22. Pravilnika.
 - Osim navedenog, utvrđeno je da stranka u poslovnim knjigama i godišnjem finansijskom izvještaju nije iskazala troškove zakupa poslovnog prostora u Širokom Brijegu. Prema podacima koje je dostavio Grad Široki Brijeg⁷, utvrđeno je da je Općinska organizacija HSP BiH Široki Brijeg koristila prostorije površine 60 m² uz obavezu da plaća zakupninu u iznosu od 1.200,00 KM godišnje.
 - U godišnjem finansijskom izvještaju na obrascu 4.1 (*režijsko-administrativni troškovi*) stranka je iskazala troškove reklame i propagande u iznosu od 13.596,85 KM. Uvidom u poslovne knjige i finansijsku dokumentaciju, utvrđeno je da troškovi u iznosu od 11.011,51 KM predstavljaju troškove izborne kampanje, koje je stranka u skladu sa odredbama iz člana 22. Pravilnika trebala prijaviti na obrascu 4-2 (*troškovi propagande*).
 - Hrvatska stranka prava Bosne i Hercegovine ni u postizbornom finansijskom izvještaju nije, u skladu sa odredbama člana 15.1 stav (1) točka (4) Izbornog zakona Bosne i Hercegovine, prijavila troškove izborne kampanje.
- (7) Hrvatska stranka prava Bosne i Hercegovine iako je, u skladu sa odredbom člana 12. stav (2) Zakona o finansiranju političkih stranaka⁸ imala obavezu da u svoj finansijski izvještaj uključi koristi ostvarene od aktivnosti udruženja „Hrvatski narodni sabor Bosne i Hercegovine“, koje je povezano sa političkom strankom, jer je stranka članica ovog udruženja⁹, ona to nije učinila.
- (8) Politička stranka je obaveze na dan 31.12.2018. godine iskazala suprotno odredbama člana 24. Pravilnika. Obaveze prema svim dobavljačima iskazala je u zbirnom iznosu od 104.524,81 KM, obaveze po ugovoru o djelu u iznosu od 500,00 KM i obaveze za doprinose po ugovoru o djelu u iznosu od 20.064,99 KM. Umjesto da obaveze iskaže prema svakom dobavljaču pojedinačno, sa datumom nastanka obaveze i iznosom obaveze na dan 31.12.2018. godine, politička stranka je kao datum nastanka svih obaveza, u iznosu od 125.089,80 KM, navela dan 31.12.2018. godine.
- U postizbornom finansijskom izvještaju Hrvatska stranka prava Bosne i Hercegovine, osim pozajmice od Hrvatske demokratske zajednice Bosne i Hercegovine, u iznosu od 10.000,00 KM, nije prijavila druge obaveze. Uvidom u poslovne knjige stranke utvrđeno je da su neizmirene obaveze stranke prema dobavljačima u iznosu od 98.218,62 KM nastale prije izvještajne 2018. godine. Neprijavlivanjem obaveza u postizbornom finansijskom izvještaju stranka je prekršila odredbe člana 15.1 stav (1) tačka 5. Izbornog zakona Bosne i Hercegovine.
- Utvrđeno je da su obaveze, koje je stranka iskazala prema sedam dobavljača¹⁰ u ukupnom iznosu od 25.257,62 KM, nastale u periodu prije 2015. godine. Nakon izvršene revizije finansijskog izvještaja za 2015. godinu stranci je data preporuka da izvrši usaglašavanje

⁶ Zakup se odnosi na korištenje prostora u prethodnoj godini

⁷ Akt broj: 03-223/19 od 04.06.2019. godine

⁸ Politička stranka obavezna je u svom izvještaju uključiti sve koristi ostvarene od aktivnosti subjekata koji su na bilo koji način povezani sa političkim strankama ili su pod njenom kontrolom.

⁹ Hrvatski narodni sabor Bosne i Hercegovine kao udruženje promoviše političke stranke i njene članove, učestvuje u provođenju izborne kampanje i kreira programe koji su bitni samo političkim strankama, članicama ovog udruženja.

¹⁰ Dnevni list sa potraživanjem od 13.761,85 KM, Fontana Mostar sa potraživanjem od 3.107,41 KM, Margson Agencija Mostar sa potraživanjem od 2.000,00 KM, Euro Code Mostar sa potraživanjem od 1.450,00 KM, Civitas d.o.o. sa potraživanjem od 1.404,00, Unevit d.d. Konjic sa potraživanjem od 1.200,00 KM i Soldo media Mostar sa potraživanjem od 1.080,00 KM.

obaveza sa dobavljačima i utvrdi njihovo stvarno stanje, jer su neki od dobavljača koje stranka navodi bili likvidirani, a neki su odgovorili da nemaju potraživanja od ove političke stranke¹¹.

d) Politička stranka je prekršila odredbe člana 12. stav (5) Zakona o finansiranju političkih stranaka.

Centralna izborna komisija Bosne i Hercegovine je od Hrvatske stranke prava Bosne i Hercegovine, aktom broj: 03-07-6-355-2/19 od 30.07.2019. godine zatražila da dostavi dodatnu finansijsku dokumentaciju za 2018. godinu: bruto bilans na dan 31.12.2018. godine, glavnu knjigu za period 01.01.- 31.12.2018. godine, dokumentaciju o korištenju poslovnih prostora za sve organizacione dijelove političke stranke, dokumentaciju vezanu za ostale prihode, kopiju izvoda sa transakcijskog računa, broj: 3381302246903836 kod UniCredit banke za period 01.01.-31.12.2018. godine, program utroška sredstava za 2018. godinu, kopiju ugovora o pozajmicama, kopiju ugovora o djelu i analitički pregled dobavljača prema kojima stranka ima obaveze na dan 31.12.2018. godine.

Politička stranka nije postupila u skladu sa zahtjevom Centralne izborne komisije Bosne i Hercegovine, odnosno nije dostavila traženu dokumentaciju, pa joj je 13.09.2019. godine upućena urgencija sa istim sadržajem. Ni nakon urgencije politička stranka nije dostavila dio tražene dokumentacije: dokumentaciju o korištenju poslovnih prostora, dokumentaciju vezanu za ostale prihode, kopiju ugovora o pozajmicama i kopiju ugovora o djelu, čime je prekršila je odredbe člana 12. stav (5) Zakona o finansiranju političkih stranaka.

e) Kao transakcijski račun koji je, u skladu sa odredbama člana 4.4 stav (1) Izbornog zakona Bosne i Hercegovine, bila obavezna otvoriti za finansiranje izborne kampanje, Hrvatska stranka prava BiH je prijavila redovni transakcijski račun Središnjeg ureda stranke.

Taksu za ovjeru za učešće na Općim izborima 2018. godine, Hrvatska stranka prava BiH je, suprotno odredbama Pravilnika o prijavi i uslovima za ovjeru političkih subjekata za učešće na Općim izborima 2018. godine („Službeni glasnik BiH“, broj 29/18)¹², uplatila sa redovnog transakcijskog računa, broj: 3381302246903836, putem koga je vršila transakcije prije uplate takse. Do momenta uplate takse stranka je ostvarila prilive sredstva u iznosu od 37.231,81 KM i izvršila je isplate u iznosu od 21.039,70 KM. Sa računa su tokom cijele 2018. godine finansirane redovne aktivnosti političke stranke, te je ostvaren promet: stanje na dan 01.01.2018. u iznosu od 4.148,48 KM, ukupan promet ulaza u iznosu od 91.553,59 KM, ukupan promet izlaza u iznosu od 90.778,61 KM i stanje na dan 31.12.2018. godine u iznosu od 4.923,46 KM.

f) Bez kvalifikovanja revizijskog mišljenja, skrećemo pažnju na porezne obaveze po osnovu ličnih primanja.

Hrvatska stranka prava Bosne i Hercegovine je u poslovnim knjigama i finansijskom izvještaju na dan 31.12.2018. godine evidentirala obaveze po osnovu poreza i doprinosa na lična primanja u iznosu od 20.064,99 KM. Obaveze za porez i doprinose iz ranijih godina koje stranka nije izmirila u skladu sa poreznim propisima iznose 18.692,67 KM. Porez i doprinose po osnovu isplaćenih ugovora o djelu u 2018. godini stranka je obračunala u iznosu od 1.372,32 KM, koje takođe nije platila, iako se u skladu sa poreznim propisima porezi i doprinosi plaćaju u momentu isplate naknada po ugovoru o djelu.

¹¹ Unevit d.d. Konjic je dao odgovor da nema potraživanja. Za Civitas d.o.o. je utvrđeno da je pravno lice likvidirano 20.11.2012. godine. Pet pravnih lica nije dalo odgovor da ima potraživanja od Hrvatske stranke prava BiH.

¹² Centralna izborna komisija Bosne i Hercegovine propisala je formu i sadržaj prijave za ovjeru političkih subjekata, te obavezu političkim strankama da taksu za ovjeru prijave za učešće na Općim izborima 2018. godine uplate sa svog transakcijskog računa koji će se namjenski koristiti za izbornu kampanju tokom Opštih izbora 2018. godine.

Troškovi izborne kampanje

Prema odredbama člana 15.10 Izbornog zakona Bosne i Hercegovine politička stranka za potrebe izborne kampanje ne smije potrošiti više od 0,30 odnosno 0,20 KM¹³ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije BiH, Hrvatska stranka prava Bosne i Hercegovine je u svrhu izborne kampanje mogla da potroši 461.742,55 KM.

U godišnjem finansijskom izvještaju za 2018. godinu i finansijskom izvještaju za period od dana podnošenja prijave za ovjeru za izbore do dana ovjere rezultata Općih izbora 2018. godine Hrvatska stranka prava Bosne i Hercegovine nije iskazala troškove izborne kampanje, iako su kontrolom poslovnih knjiga ti troškovi utvrđeni u iznosu od 11.011,51 KM.

5.2 PREPORUKE

Preporučuje se Hrvatskoj stranci prava Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijska sredstva koristi isključivo za ostvarivanje ciljeva utvrđenih svojim programom i statutom,*
- *da vodi evidencije o приходima, bez obzira na koji način ih ostvaruje,*
- *da poslovne knjige vodi u skladu sa računovodstvenim propisima, odnosno da vodi pravilne i tačne evidencije o novčanim tokovima, приходima, rashodima i obavezama,*
- *da u finansijskom izvještaju iskaže koristi ostvarene od aktivnosti subjekata koji su na bilo koji način povezani sa strankom ili su pod njenom kontrolom,*
- *da dostavlja dodatnu dokumentaciju koju od nje zatraži Centralna izborna komisija BiH,*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka,*
- *da uredi blagajničko poslovanje u skladu sa finansijskim propisima i*
- *da poštuje porezne propise, odnosno izmiruje porezne obaveze u skladu sa propisima.*

KOMENTAR

Politička stranka se nije očitovala na nalaze revizije navedene u Preliminarnom izvještaju o pregledu godišnjeg finansijskog izvještaja za 2018. godinu.

Pomoćnik revizora

Šef Službe za reviziju, revizor

Mr.sc. Goran Cicović

Mr.sc. Hasida Gušić

¹³ Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.